



27. oktober2011

Inatsisartut Suleriaasianni § 37 naapertorlugu Naalakkersuisunut apequt imaattoq matumuuna saqqummiuppara:

Naalakkersuisunut apequt:

1. Naalakkersuisut sunik iliuuseqassallutik eqqarsaatersuuteqarpat nunarsuup sinnerani meeqqat isumaqartuaqqullugit Juullip Inua Kalaallit Nunaanni najugaqartoq ?

(Inatsisartuni ilaasortaq Andreas Uldum, Demokraterne)

Tungavilersuut:

Juullip Inua Kalaallit Nunaanni najugaqarpoq. Kikkut tamarmik tamanna nalunngilaat. Imaluunniit?

Eqqortorli unaavoq, Juullip Inua nunarsuarmi assigiinngitsuni sumiiffinni najugaqarmat apeqqutaalluni kina aperineqarnerseq. Ilaq oqartarpoq Finlandimi najugaqartoq, allat oqartarput Qalasersuarmi, kiisalu allat oqartarput Alaskami kiisalu aamma qujanartumik allarpasuit isumaqartarput Kalaallit Nunaanni najugaqartoq.

Tamanna illersortariaqarparput. Juullip Inua allatut oqaatigalugu pissutaalluni nunarsuarmi sumiluunniit Kalaallit Nunaat eqqartorneqartarpoq, taamaattoqartillugulu ilimagineqanngitsoorsinnaanngilaq inuit taakku arlaanni nunatsinnukarumaartut nunarsuarput pinnerseq takujartorlugu.

Ajoraluartumilli massakut ilimanarsivoq meeqqat Juullip Inuanut inuulluaqqussutinnguamik allakkaluartut akineqartarunnaarnissaat naleriallaatigisaminnik. Pissutaavoq Nuuk Tourism akiliisinnaajunnaarmat taamaasillunilu allakkanik takkukkumaartussanik akisisinnaajunnaarluni. Nuuk Tourismimi ulluinnarni aqutsisoq KNR-imut oqarpoq, nalileruminaatsoq meeqqammi 35.000-t maangga allattarmata.



Taama oqarmat isumaqatigaara, ingerlatiinnarluguli oqaatigissavara meeqqat 35.000-t 70.000-nik angajoqqaqarmata. Inuppassuupput nakeriallatsinneqartussat, taamaasillutillu – taamaattariaqanngikkaluarpalluunniit – nunatsinnik isiginerluilersinnaasussat.

Isumaqarpunga, Kalaallit Nunaata pitsaasumik eqqartorneqartarneranut pissutaaqataasoq Juullip Inuata nunatsinni najugaqarnera, taamatullu isumaqartoqarnerata aalajangiusimanissaa tamatta soqutigisariaqarparput.

Apeqqut akeqquneqarpoq ullut suliffiit naliginnaasut qulit qaangiutsinnagit.